



# **Universitätsbibliothek Paderborn**

**Ivdex Magistratvs Senator**

**Zype, Franciscus van der**

**Antverpiæ, 1633**

Cap. III. De Legum-latione.

**urn:nbn:de:hbz:466:1-14280**

## CAPVT III.

## De legum-latione.

**L**egis condere soli Imperatori est concessum. leges interpreta-<sup>1.</sup>  
ri solo dignum est imperio. *leg. fm. C. de leg. leges confirmare:* <sup>Ad solum</sup>  
*l. 2. C. de decur. const. leges mutare.* <sup>Sapremum</sup> *l. 1. pen. vlt. C. de leg. l. 35. de* <sup>Principem</sup>  
*reg. iur. seu legem ferendi auctoritatem dare.* sic Prætores olim an-<sup>spectat legē</sup>  
te edictum perpetuum, ius quod dicturi essent edicebant, & ædiles. <sup>fuisse.</sup>  
neque enim refert per se quis, an mandatarium faciat. *l. 6. §. 1. D.*  
*Quod cuiusque vnu.* sed tamen Principes à Senatu, à Præfecto Præto-  
rio probari leges voluere. *l. 8. C. de leg. Nouell. 151. 152.* neque aliter  
promulgari. quam auctoritatem pridem in Gallia solemniter usur-  
pauit Parliamentum Parisiense. priuilegium darc, gratiam, ac dispen-  
sationem super legibus eodem pertinet, iudicata mutare, gratiam  
facere criminis, & poenæ corporalis, famæ restituere, spurious legit-  
mare, contra ius rescribere, generaliter demum legem soluere. sic  
tamen ut meminerit Philippi Macedonis, qui Harpalu pro reo in-  
tercedenti respondit: *Melius est vt ipse qui deliquit ignominiam ferat,*  
*quam ego.*

**N**am & ad Majestatem pertinet legum custodia, & vindicta  
contemptus, & armari iura gladio. *Istorum, inquit Iustin. alterum* <sup>Et seruan-</sup>  
*alterius semper eguit, & tam res militares legibus, quam ipsæ leges armorum* <sup>das curare.</sup>  
*præsidio seruante sunt. Sic & ille Imper. apud Gunt. l. 8.*

*Nec me regnante licebit  
Has cuiquam nostras impunè laceffere leges.*

Vt h̄c reminiscendum sit, vt Princeps ipse legibus solutus est, ita <sup>3.</sup>  
cuius curæ æquè esse, atque summæ auctoritatis, vt quām optimis *Iustas sex*  
populus obligetur, regatur, viuat, & semper ad prototypum suum <sup>re.</sup>  
recipiant leges, & legum-latores, cuius illud: *Per me Reges regnant,*  
*& legum conditores iusta decerunt.*

Hunc Ducem si sequatur, qui regit, qui legem scribit, nusquam  
& nunquam aberrabit. si non sequatur, in præcipitia, in syrtes, in  
saxa, in charybdes lapsum se prius sentiet, quām agnoscat. impro-  
niida mens hominum nisi summæ lucis indicio dirigatur, in aucta &  
intia prolabetur, etiam non alterius culpæ conscia, quām quod  
summi legislatoris virgulam non continuò respexerit.

Porrò legum multitudo minuenda potius, quām augenda est <sup>4.</sup>  
nouis constitutionibus. salus ex legibus religiosa obseruantia. sat *Paucas*  
multæ, sat bonæ leges, si amentur satis, & seruentur satis. illud *Genti viiles*

votum, etiam maius est quā spes, vt leges eae, quas usus reiecit, aut mores generatim damnarunt, edicto designentur: errores quos

5. *Decisis controversis.*  
pragmatici inuenerunt, quos iutegris libris aliqui complexi sunt, constitutione disertâ enellantur: quibus magnam iuris partem implicarunt, decisione Principali explicitentur. cui rei collegium supremâ auctoritate erigi optat Thuld. l. 4. de caus. corr. Iud. cap. 16. Sed & is illud non malè exequitur toto l. 1. atque 2. vt qui præparantur legibus inter partes enodandis, iudicijque, quæ viuæ leges sunt, exercendis, taliter formentur, vt legum ænigmata recte soluere discant. non ut Alexander Gordium nodum ense findere. quo leges finem suum habeant, & quæ per eas exercentur iudicia, ne corrumptantur. hæc in primis ad curam Principis pertinere, hic statuendum est; auctore Horatio Augustum laudante:

*Res Italas bello tutaris, moribus ornas;*  
*Legibus emendas.*

Et Cicerone politicum munus describente *civitatem legibus fundare, regere consilijs, emendare iudicij.* Ergo vt medici causas morborum insectantur, quo effectus tollant; ita Principem conuenit principia, & scaturigines persequi, vt ijs purgatis lymphæ deinceps puræ profluant. Academias ergo quæ in suo dominatu existunt, consultis legibus reformabit, vt ex ijs in Rempub. nihil exeat quod publicæ saluti aduersetur. Et quoniam hodiè orbis imperium in tot

7. *Academij immaturos promouentibus seu alias minus aptos.*  
dynastias est discissum, omnino vetabit, ne quis apud exterros emeritus, concilijs vel causarum patrocinio admoueatur. nisi forte prerogatiuâ doctrinæ, & morum, gratiam legis, dispensatione inque meruerit. quemadmodum regio olim cautum hic fuit. Igitur

Tuldenus reiicit tantam turbam sectantium iuris studia, præsertim plebeiorum. nec sine delectu admittit, ne ars tanta propter tenuitatem hominum à religionis auctoritate abducatur ad mercedem, atque quæstum. summa est enim peruersio finis iurisprudentiæ, quod solo diuinarum voto discatur, & ad quæstum conuertatur.

*Ingenium quandam fuerat pretiosius auro:*

*At nunc barbaries grandis habere nihil.*

Sed nec admittit, qui intempestivè properant iuris studium, nondum ætate, vel peritiâ communis vitæ idonei, non apti ingenio, non præculti artibus necessarijs. Exigit Doctores qualis publica Reip. salus requirit (quæ ab eorum industria non parum pendet) apertissimos, eosq; qui edendis iurisprudentiæ munimentis se probarunt, & scientiam experientiâ ciuilium negotiorum perfecerunt. Excelentes moribus primùm, deinde facundia l. 7. C. de profess. ne alioqui auctoritatem professionis destruant, se ipsos exempla circūferentes inuti-

Inutilis disciplinæ. consultissimam deinde docendi viam requirit; quam per interpretationem legum historicam, cœtiologicam, analogicam, pragmaticam, & forensem vestigandam censet, & insigneiter docuit Ioachimus Hopperus duobus libris elementorum iuris, quos in epitomen eruditè cōtraxit Martinus Delrio, lectu vtilissimam. sed quæcumque ratio ineatur, ea semper retinenda est, quam proponit Iustin. vt primò leui ac simplici viâ, pōst deinde diligenter atque exactissimâ interpretatione singula tractentur. deinde vt id semper obtineatur, vt iuris prudentia non sit ancipitis usus, sed cum vera prudentia, iustitiaque connexa. vt ne verbottenus acutè tantum, sed ad usum popularem atque ciuilem dissenseretur, ne leges eatenus tantum discantur, quatenus litigandi artem, usumque præbent; sed etiam ius publicum quām minimè negligatur. emeriti rude ne donentur, & in Rempublicam emittantur scholasticis coronis redimiti, nisi ad seueram normam explorati. ne cruda adhuc studia in forum propellant, ne audaciâ pro sapientia utantur, ne professionem ex dignitate non sustineant, ne initiatos se credant, & tantum in vestibulo iuri prudentiae hæreant. Hæc inquit à principijs suis currentur in uigilandum est Principi, illisque qui consilia eius dirigunt. vt Academiæ ijs institutis reformatur, quibus selecti iuuenes, selecti sint magistri, selecte scholarum leges. quæ & illos doceant hos pro merito reuereri, nec honoraria & publica stipendia desint. quibus se hi venerabiles, & à vili paupertate vindicatos exhibeant. Collegiorum fundationes Principali beneficio & auctoritate promoueantur, loca publica designentur, & titulis graduum, citra abusum, ornentur studiosi, & priuilegijs animentur. quæ etiam per speciales iudices conseruentur. Quæ etiam omnia latè nec minus eruditè prosequitur Pet. Greg. Tholos. de Rep. lib. toto 18.

## C A P. IV.

## De Religione.

**E**x his quæ dicta sunt conficitur de Religione sciscere ad supremam potestatem pertinere. quod in Batavis conatur demonstrate Grotius in Apologetico suo. Quare & solent supplicaciones iij decernere, penes quos rerum summa, ubique habendas, pro rebus feliciter gerendis. cuius rei auctoritas olim in libera adhuc Repub. Romana penes solum Senatum erat. & hodie Turca receptis in fidem regulis multa imperij iura remittit, publicas tamen process, pro salute Principis in templis passim faciendas excipit.

Ecce 4

Ex

Quo sensu  
spectet ad  
Supremum  
Principē de  
Religione  
sciscere.